

堯山堂外紀

堯山堂外紀卷五十四

晉陵蔣仲舒編

宋

陳師道

字履常又字無已晚得詩法于黃魯直曾與晁說之論詩曰吾此一辨香

須為山谷道人燒也山谷嘗有詩云閉門覓句陳無已對客揮毫秦少游以喻其才

思之異

郭提刑槩慕陳後山之賢妻以女後山家貧妻子常寄食外家有詩上槩云嫁女不離家生男已

當戶曲逆老不戾。知人公豈誤。

陳後山少為曾南豐所知。東坡愛其才。欲牢籠於門下。後山不肯背南豐。有向來一瓣香。敬為曾南豐之句。又作妾薄命二首。以自擬。其一曰。主家十二樓。一身當三千。古來妾薄命。事主不盡年。起舞為主壽。相送南陽阡。忍看主衣裳。為人作春妍。有聲當徹天。有淚當徹泉。死者恐無知。妾身長目憐。其二曰。葉落風不起。山深花自紅。

相世不待老。惠妾無其終。一歎尚可忍。百歲何  
當窮。天地豈不寬。妾身無所容。死者如有知。殺  
身以相從。向來歌舞地。夜雨鳴寒蛩。

陳後山有小放歌行二絕云。春風永巷閉娉婷。長  
使青樓誤得名。不惜捲簾通一顧。怕君著眼未  
分明。又當年不嫁。惜娉婷。傳白施朱。作後生。說  
與旁人須早記。隨宜梳洗莫傾城。

張舜民

字芸叟。自號  
浮休居士。

王荊公以詩賦決科而不樂詩賦熙寧初既預政  
遂傳以經義取士元祐五年復用詩賦紹聖初  
禁元祐學術復罷之政和中乃著於令士庶傳  
習詩賦者杖一百張芸叟有詩云少年辛苦校  
蟲魚晚歲雕蟲耻壯夫自是諸生猶習氣果然  
紫詔盡驅除酒間李杜皆投筆地下班楊亦引  
車惟有少陵頑鈍叟靜中吟撚白髭鬚蓋芸叟  
自謂也

哲宗時有好為詩而鄙俚可笑者嘗作  
卽事詩云日煖看三織風高聞兩廂蛙

白出隱城死紫之長發聽琵琶鳳餒接連  
章歸來室裏坐行殺又何妨或問詩意答曰始  
見三蜘蛛織網於簷間又見二雀闘於兩廂廊  
有死蛙翻腹似出字死蚓如之字方笑發飯聞  
隣家琵琶作鳳栖梧食餒頭未畢聞人報建安  
章秀才上謁迎客既歸見內門上畫鍾馗擊小  
鬼故云打殺又何妨哲宗嘗灼艾諸內侍欲  
煥上或舉其詩上笑不已竟不灼艾而罷

張芸叟久經遷謫既還怏怏不平嘗內集分題賦  
詩其女得蠟燭有云莫評淚頻滴都緣心未灰  
浮休有慚色自是無復躁意

司馬朴之室浮休女也有詩在廊延路上寺中一

聯云滿地煙含芳草綠倚闌露泣海棠紅或云  
卽咏燭者

楊傑

字次公無為人  
自號無為子

元豐中高麗遣一僧入貢頗辨慧赴筵設暈酒自  
如令楊次公接伴一日出令曰要兩古人姓名  
爭一物沙門曰古人有張良有鄧禹爭一傘良  
曰良傘禹曰禹傘次公曰古人有許由有晁錯  
爭一葫蘆由曰油葫蘆錯曰錯葫蘆

錢勰待制尹府日嘗遇誕辰其僚屬盡以烏龜白  
鶴為獻用表祝壽之意獨楊次公止以老子出  
關圖并作小詩云秘藏函谷關中子將獻蓬萊  
閣上仙願得鬚眉如此老却教龜鶴羨長年錢  
公大悅

楊次公為吳興刺史有明月樓詩云江南地暖少  
嚴風九月炎涼正得中溪上玉樓樓上月清光  
合作水晶宮吳興因此謂之水晶宮



楊次公守丹陽米元章過郡畱數日去元章好易  
他人書畫次公作河豚羹飲之其實他魚元章  
疑而不食次公笑曰此贗本耳迨其行送以詩  
有淮海聲名二十秋之句林子中見之謂次公  
曰公言無乃過歟次公笑曰二十年來何處不  
知有米顛子

米芾

字元章號海岳外史有紫癍監手用民

方斛瀉水於手已而兩手相拍至乾都  
不用巾拭巾帽少有塵則濯之客去必濯  
其坐榻朝靴偶為他人所持因晏洗靴遂

損不可穿嘗擇婿得建康段拂子去塵釋  
之曰既拂矣且去塵真吾婿也以女妻之  
子友仁亦善書  
畫世號小米

東坡在維揚設客十餘人皆一時名士米元章亦  
在坐酒半元章忽起自贊云世人皆以蒂為顛

願質之子瞻東坡笑曰吾從衆

元章在維揚嘗  
謁蔡攸於舟中

攸出右軍王略帖示之元章驚嘆求以他畫易  
之攸有難色元章曰公若不見從某不復生即  
投此江死矣因大呼據  
船舷欲墮攸遂與之

米元章平生好石守濡須曰聞有怪石在河濡人

以為異而不敢取公命移至州治為燕游之玩  
石至遽命設席拜於庭下曰吾欲見石兄二十  
年矣言者以為罪坐是罷去其後竹坡周少隱  
過是郡見石而感之為賦詩其略曰喚錢作兄  
真可憐喚石作兄無乃賢望塵雅拜良可笑米  
公拜石不同調

米元章令雍丘蝗大起鄰縣尉司禁瘞後仍滋蔓  
責保正併力捕除或言盡緣雍丘驅逐過此尉

移文載保正語牒行雍丘請勿以鄰國為壑時  
元章方與客飲視牒大笑題紙尾答云蝗蟲原  
是飛空物天遣來為百姓災本縣若還驅得去  
貴司却請打回來傳者莫不絕到

米元章咏潮詩曰怒氣號聲迸海門州人傳自子  
胥魂天排雲陣千家吼地擁銀山萬馬奔勢與  
月輪齊朔望信如壺漏報晨昏吳亡越霸成何  
事一唱漁歌過遠村

宋元章孔子贊曰孔子孔子大哉孔子。孔子以前。  
未有孔子。孔子以後更無孔子。孔子孔子大哉  
孔子。

徽宗取升山奇石置之艮山名曰艮嶽時米芾為  
書學博士召令書一大屏上指御前一端石硯  
使就用之書成芾捧硯請曰此硯經賜臣芾濡  
染不堪復以進御上大笑因以賜之芾蹈舞謝  
抱負趨出餘墨霑漬袍袖喜動顏色上顧謂蔡

京曰顛名不虛得京曰帝人品誠高所謂不可  
無一不可有二

朱元章仕宦久不偶晚節大臣薦對嘗有詩曰笏  
引上天梯鞘鳴奮地雷誰云天尺五親見玉皇  
來或問其意答曰初叩軒陛閣門臣僚以笏引  
之升殿此上天梯也

朱元章晚年學禪有得卒於淮陽軍先一月區處  
家事作親友別書盡焚其所好書畫奇物預置

一棺坐臥飲食其中前七日不茹葷更衣沐浴  
焚香清坐而已及期徧請郡寮舉拂示衆曰衆  
香國中來衆香國中去擲拂合掌而逝

賀鑄

字方回號慶湖遺老小詞  
二卷名東山寓聲樂府

以爲武弁以定林寺一絕見奇於舒王遂

云破冰泉脉漱籬根壞衲遙疑

東風先爲我開門

帶上賦詞云巧

剪合歡羅勝子。釵頭春意翩翩。艷歌淺笑拜嬋然。願郎宜此酒。行樂駐華年。未至文園多病客。幽襟淒斷堪憐。舊遊夢挂碧雲邊。人歸落鴈後。思發在花前。腔本臨江仙。山谷以方回用薛道衡詩易以鴈後歸云。

賀方面有小集在姑蘇盤門內地名橫塘方回時往來其間作青玉案詞云。淩波不過橫塘路。但目送芳塵去。錦瑟年華誰與度。月樓花院。綺窓



朱戶惟有春知處。碧雲冉冉衡臯暮。綵筆空

題斷腸句。試問閑愁知幾許。一川烟草滿城風

絮。梅子黃時雨。山谷見之亟稱云。解道江南腸

斷句。世間只有賀方面。當時因稱方面為賀梅

子。

郭功父有示耿天際一詩。舒王為書其尾云。朝前古木截。訓狐索氣英。風亦何有方面。晚

降姑孰。孰與功父遊甚懽。方面寡髮。功父指其髻

謂曰。此真賀梅子也。方面乃持其鬚曰。君可謂

郭訓狐矣。功父鬚而翦。故有是語。  
賀方面有浣溪沙數闕。並為山谷所賞。其一賦隴

思云樓角紅銷一縷霞。淡黃楊柳帶棲鴉。玉人  
和月折梅花。笑然粉香歸繡戶。半垂羅幙護  
牕紗。東風寒似夜來些。其一賦春愁云。閑把琵琶  
舊譜尋。四絃聲怨却沉吟。燕飛人靜畫堂陰。  
歌枕有時成雨夢。隔簾無處說春心。一從燈  
夜到如今。其一賦春事云。鸚鵡無言理翠衿。杏  
花零落畫陰陰。畫橋流水一篙深。芳徑與誰  
同闌草。繡床終日罷拈針。小牋香管寫春心。

賀方回又有憶秦娥春思詞曰曉朦朧前溪百鳥  
啼匆匆啼匆匆凌波人去拜月樓空舊年今  
日東門東鮮粧輝映桃花紅桃花紅吹開吹落  
一任東風

賀方回姬亦善小詩嘗賦絕句云獨倚危闌淚滿  
襟小園春色懶追尋深恩總似丁香結難展芭  
蕉一寸心

司馬槲

字才仲陝  
州夏臺人

同州澄城縣有九龍廟然只一妃耳土人謂馮瀛  
王之女也司馬才仲戲題曰身既仕十主女亦  
配九龍過客讀之無不一笑

司馬才仲初在洛下晝寢夢一美姝牽帷而歌云  
妾本錢塘江上住。花落花開不管流。年度燕子  
銜將春色去。紗牕幾陣黃梅雨。才仲愛其詞因  
詢曲名云是黃金緩後五年才仲以東坡薦應  
制舉中等遂為錢塘幕官為秦尉少章道其事

少章續其詞後云斜插犀梳雲半吐。檀板輕敲。  
唱徹黃金縷。夢斷彩雲無覓處。夜涼明月生南  
浦。頃之復夢美姝迎笑曰。夙願諧矣。遂與同寢。  
自是每夕必來。才仲為同案談之。咸曰。公癖後  
有蘇小小墓。得無妖乎。不逾年而才仲得疾。所  
乘遊舫。繫泊河塘。柁工遽見才仲。携一麗人登  
舟。即前喏之。聲斷火起。舟尾倉忙走報。其衙則  
才仲死而家人已慟哭矣。

蘇小小者錢塘名妓也。南齊時人。其墓或

云湖曲或云江干古詞云妾乘油壁車郎跨青  
驄馬何處結同心西陵松柏下今西陵在錢塘

胡致隆

號蕭灘居士

胡致隆與山谷往來坐上分題賦藕云平生冰雪  
姿七星羅心胸豈無有絲毫上裨天子聰而不  
自薦達胡為乎泥中沉疴正無賴安得君從容  
其子亦可怜風味如乃翁

潘大臨

字邠老專學山谷為詩呂居仁作江西詩派圖列陳無已潘邠老謝無逸

徐師川饒德操韓子蒼等為法嗣謂皆出於山谷也

堯山堂外紀卷五十四

潘邠老送山谷貶宜州有可是中州署不得江南  
已還更宜州之句山谷極稱賞之饒德操見邠  
老和山谷中興碑詩讀至天下寧知再有唐皇  
帝紫袍迎上皇嘆曰潘十後來作詩直至此地  
位耶

謝無逸嘗以書問潘邠老近作新詩否答曰秋來  
景物件件是佳致昨日清臥聞攪林風雨聲遂  
起題壁曰滿城風雨近重陽忽催稅入至敗意

止此一句奉寄

謝逸

字無逸臨川進士自號溪堂從弟  
邁字幼槃皆江西詩派中人也

謝無逸閑居多從衲子遊不喜對書生一日有一  
貢士來謁坐定曰每欲問無逸一事輒忘之嘗  
聞人言歐陽修者果何如人無逸熟視久之曰  
舊亦一書生後叅大政又問能文章否無逸曰  
也得無逸之子宗野方七歲立于旁聞之匿笑  
而去



撫州守朱世英以八行薦謝無逸不就後偕其友  
過之小君方炊稚子宗野汲井無逸誦書掃除  
顧二人放帚大笑曰聊復爾耳其友作偈曰老  
妻營炊稚子汲水龐公掃除丹霞達至棄帚迎  
門一笑相視不必靈照多通道理世英亦作偈  
曰提籃靈照掃地謝公一般是麪故作不同不  
假語默通透玲瓏更若未會換手搥胸

謝溪堂有咏蝶詩三百首如云身似何郎金傅粉

心如韓壽愛偷香又云飛隨柳絮有時見舞入

梨花無處尋人盛稱之因呼為謝蝴蝶

同時吳興俞退

翁汝尚亦號溪堂居士二人並有詩名退翁題三角亭云奇哉山中人來此池上宇蔥徑斜映帶林烟盡吞吐春無四面花夜欠一簷雨寄傲足有餘何須存廣廡

潘邠老嘗有詩託無逸綴成風雨重陽之句其畧

云病思玉子同傾酒愁憶潘郎共賦詩邠老亡

後無逸在黃州遶過重陽四日風雨大作遂用

邠老句廣為三絕云滿城風雨近重陽無奈黃

花惱意香雪浪翻天迷赤壁令人西望憶潘郎  
滿城風雨近重陽不見修文地下郎想得武昌  
門外柳垂垂老葉半青黃滿城風雨近重陽安  
得斯人共一觴欲問小馮今健否雲中孤鴈不  
成行

謝無逸嘗於黃州關山杏花村館驛題一詞云杏  
花村館酒旗風水溶溶颺殘紅野渡舟橫楊柳  
綠陰濃望斷江南色遠人不見草連空夕

陽樓外晚煙籠粉香融淡眉峰記得年時相見  
畫屏中只有關山今夜月千里外素光同詞名  
江城子其後過者必索筆於館卒錄去卒頗以  
為苦因以泥塗之

汪信民

華

嘗作詩寄謝無逸云問訊江南謝康樂

溪堂春水想扶疎高談何日看揮麈安步從來  
可當車但得丹霞訪龐老何須狗監薦相如新  
年更勵於陵節妻子同鉏五畝蔬饒德操見之

謂信民曰公詩曰進而遁即遠矣蓋功用在此而不在此也

營妓宋瑤以善奕名謝幼槃作減字木蘭花贈之  
曰風簟度曲倦倚銀屏初睡足清簟疎簾金鴨  
香消懶更添纖纖露玉風電縱橫飛鈿局顰  
歛雙蛾凝竚無言密意多

徐俯

字師川號東湖七歲能詩為山谷所知以父禧死事授通直郎張邦昌僭位遂

致仕時工部侍郎何昌言與弟昌辰避邦昌諱皆改名俯買婢名昌奴客至即呼前

驅使  
之

徐師川雙廟詩開元天寶間衮衮見諸公不聞張  
與許名在臺省中饒德操酷愛之

徐師川是山谷外甥晚年欲自立名客有稱其源  
自山谷者公讀之不樂答以小啟曰涪翁之妙  
天下君其間諸水濱斯道之大域中我獨知之  
濠上

蘇養直詩有屬玉雙飛水滿塘之句見賞於坡稱

為吾家養直作此詩時年甚少紹興間與徐師  
川同召師川赴養直辭師川造朝便道過養直  
留飲甚歡二公平日對奕徐高於蘇是日養直  
拈一子笑視師川曰今日須還老夫下此一着  
師川有愧色

韓駒

字子蒼宣政間忌蘇黃之學王初秦陰學東坡子蒼陰學山谷

汪內相將赴臨川曾吉父以詩送之有白玉堂中  
曾草詔水晶宮冷近題詩之句韓子蒼改云白

玉堂深曾詠水晶宮。冷近題詩。吉父聞之以  
子蒼為一字師。

韓子蒼有送宜黃丞周表卿詩曰。昔年東帶侍明  
光。曾見揮毫對御床。將為驂騑已騰踏。不知鵬  
鷃尚摧藏。官居四舍峰巒綠。驛路千林橘柚黃。  
莫戀鄉關留不去。漢廷今重甲科郎。送詩後又  
之。改對字作照字。取子瞻文彩照金殿意也。改  
綠為雨黃為霜。又改莫戀鄉關留不去作莫為



艱難歸故里益見其工

李伯時畫宮女背面者韓子蒼題其上  
一睡起  
陽暗淡粧不知緣底背斜陽若教轉  
三六宮無粉光  
一回首

宣和初何文鎮為中書舍人道君皇帝以御畫雙  
鵲賜之韓子蒼時為校書郎賦詩二章曰君王  
妙畫出神機弱羽爭巢並占時想見春風鵲  
觀一雙飛上萬年枝又舍人簪筆上蓬山輦路

春風從駕還天上飛來兩鳥鵲為傳喜色到人

間

何文鎮名桌收和開狀元潘良貴次之二人皆少年有風貌而第三人郭孝友頗古怪時

曰狀元真何郎榜眼真潘郎第三人真郭郎也

叙州本戎州也老杜戎州詩云重碧傾春酒輕紅

擘荔枝今叙州公醞遂名以重碧東坡在齊安

有春江綠漲蒲萄醅之句靖康初元韓子蒼作

守有旨添賜郡釀因名其庫曰蒲萄醅仍有詩

云孤臣政術不堪論尚得君王賜酒尊父老異

時傳盛事。蒲萄醅熟記初元。

饒節

字次守。少年嘗投書於曾子宣論新法。不合。遂棄去。嘗令其僕守舍歸見其占。

對異常怪而問之。僕曰。聞隣寺白崖長老有道。價往請一轉語。忽爾覺悟。次守慨然曰。汝能是我乃不能。徑往白崖問道。八日而悟。與其僕祝髮為浮屠。晉更名如壁。字德操。號倚松道人。僕名如琳。後琳疾亟。躬進藥餌。既卒。極盡送終之義。

饒德操長於詩。梅花一聯云。遂教天下無雙色。來作人間第一春。又答呂居仁寄詩云。長憶他時對短檠。詩成重改。又鷄鳴。如今老矣無心力。口

誦君詩繞竹行

饒德操作僧後有送別蔡伯世詩云要做仲尼真  
弟子須參達磨的兒孫時諸說禪者不一故德  
操專及之

宣和庚子改僧為德士一時浮屠有以違命被罪  
者獨一長老遽上表乞入道其辭有習蠻夷之  
風教忘父母之髮膚儻得回心而向道便更合  
掌以擎拳等語時饒德操已為僧因作改德士

頌云自知祝髮非華我。故欲毀形從道人。聖主  
如天苦憐憫。復令加我舊冠巾。舊說螟蛉逢螺  
羸異。時蝴蝶夢莊周。世間化物渾如夢。夢裏惺  
惺却自由。德士舊嘗稱進士。黃冠初不異儒冠。  
種種是名名。是假世人誰不被名謾。初子紛紛  
惱不禁。倚松傳與法安心。餅盤釵釧形雖異。還  
我從來一色金。小年曾着書生帽。老大當替德  
士冠。此身無我亦無物。三教從來處處安。

饒德操尤善作銘贊。有佛米贊。謂武將念佛。以米  
記數。得三升。之贊曰。時平主聖。萬國自靖。不殺  
而武。不征而正。矯矯虎臣。無所用命。移將東南。  
介我佛會。久聞我曹。念佛三昧。暗鳴叱吒。化為  
佛聲。三令五申。易為佛名。一佛一米。為米三升。  
自升而斗。自斗而斛。念之無窮。太倉不足。

饒德操後寓襄陽天寧寺。夏均父倪為請疏其略  
云。無復挾書。更逐康成之後。何憂成佛。不居靈

運之先。又云。豈惟江左公卿。盡傾支遁。獨有襄陽耆舊。未識道安。時稱其精當。

僧惠洪

字覺範。有冷齋夜話。甘露集。林間錄。行世。時鄒元佐奇於命。彭淵材奇於

樂覺範奇於詩。號新昌三奇。

洪覺範作冷齋夜話。有曰。詩至李義山。為文章一厄。許彥周覽及此。蹙額無語。覺範再三窮詰。彥周曰。夕陽無限好。只是近黃花。覺範曰。我解子意矣。卽時刪去。

覺範自并州還江南過都下上元憇相國士有道  
人求詩且曰覺範嘗有寒岩寺詩懷京師曰上  
元獨宿寒岩寺臥看青燈映薄紗夜久雪猿啼  
岳頂夢回山月上梅花十分春瘦緣何事一擲  
歸心未到家却憶少年行樂處軟風香霧噴東  
華今當為作京師上元懷山中也覺範戲為之  
曰北遊爛熳看并山重到皇州及上元燈火樓  
臺思往事管絃音律試新翻期人未至情如海



穿市歸來月滿軒。却憶寒宕曾獨宿。雪牕殘夜  
一聲猿。

覺範同時有雲峯悅禪師與興化詵公友善。詵城  
居三十餘年老矣。猶迎送不已。悅嘗誡曰。公不  
袖手山林中去。尚此忍垢乎。郡僚愛詵多。又不  
果。一日送大官出郊。墮馬損臂。呻吟月餘。以書  
哀訴于悅。悅作偈戲之曰。大悲菩薩有千手。大  
丈夫兒誰不有。興化和尚折一枝。猶有九百九。

十九南華恭長老同嗣大愚有書來叙法禮悅

作偈戲之曰與師燕跡寄江湖共憶當年在太

愚堪咲堪悲無限事。瓜生得苦葫蘆。有僧金盞求歐

一陽景書與王峯長老薦用景封書曰金盞求與王峯書金三柱桑價倍殊到底不閑藤蔓事葫

蘆自去纏葫蘆

李清照

號易安居士濟南李格非女適趙明誠香臺集謂清獻子按明誠乃趙挺

之子也挺之謚清憲而清獻遂因被誣

趙明誠與李易平生同志明誠在太學時每朔望

告謁出質衣取半千錢步入相國寺市碑文果  
實歸相對咀嚼展玩後連守兩郡竭俸以事鉛  
槩及卒易安為文以祭曰白日正中嘆龐翁之  
機捷堅城既墮憐杞婦之悲深後再遣張汝舟  
失身非類世以此薄之

李易安聲聲慢一辭最為婉妙其辭云尋尋覓覓  
冷冷清清淒淒慘慘戚戚乍暖還寒時候最難  
將息三杯兩盞淡酒怎敵他晚來風急鴈過也

正傷心却是舊時相識。滿地黃花堆裏。恁  
損如今有誰忺。摘守着。睂兒獨自。怎生得。黑  
桐更兼細雨到黃昏。點點滴滴。這次第。怎一个  
愁字了得。

李易安九日醉花陰詞云。薄霧濃雲愁永晝。瑞腦  
噴金獸。佳節又重陽。寶枕紗厨。半夜秋初透。  
東籬把酒黃昏後。有暗香盈袖。莫道不銷魂。簾  
捲西風人似。黃花瘦。又離別。一剪梅詞云。紅藕

香殘玉簾秋輕解羅裳獨上蘭舟雲中誰寄錦  
書來鴈字回時月滿樓花自飄零水自流一  
種相思兩處閑愁此情無計可消除纔下眉頭  
却上心頭

李易安又有如夢令云昨夜雨疎風驟濃睡不消  
殘酒試問捲簾人却道海棠依舊知否知否應  
是綠肥紅瘦當時文士莫不擊節稱賞未有能  
道之者

朱淑真

錢唐人宛陵魏端禮為  
輯其詩詞名曰斷腸集

朱淑真幼警慧善讀書早年父母無識嫁市井民  
家其夫村惡遽除戚施種種可厭淑真抑鬱不  
得志作詩多憂愁怨恨之思題圓子云輕圓絕  
勝雞頭肉滑膩偏宜蟹眼湯縱有風流無處說  
已輸湯餅試何郎蓋謂其夫之不才匹配非偶  
也

朱淑真詩詞多柔媚獨清畫一絕送春一詞頗踈

俊可喜詩云竹搖清影單紗牕兩兩時禽噪夕  
陽謝却海棠飛盡絮困人天氣日初長詞云樓  
外柳垂千萬縷欲繫青春少住春還去猶自風  
前飄柳絮隨春且看歸何處滿目山川聞杜宇  
便做無情莫也愁人意把酒送春春不語黃昏  
却下瀟瀟雨

朱泚真元夕生查子云去年元夜時花市燈如晝  
月上柳梢頭人約黃昏後今年元夜時月與燈

依舊不見去年人。淚濕春衫袖。又元夕詩云。  
樹銀花觸目紅。極天歌吹暖春風。新歡入手愁  
忙裏。舊事經心憶夢中。但願暫成人。繾綣不防  
長。任月朦朧賞燈那得工夫。醉未必明年此會  
同。與其詞意相合。

朱泚真同時有魏夫人者。曾子宣內子也。亦能詩。  
嘗置酒邀泚真。命小鬟隊舞。因索詩以飛雪滿  
羣山為韻。泚真醉中援筆賦五絕云。管絃催上



錦裯時、體態輕盈，祗欲飛若使明皇當日見何  
蠻無計，恍楊妃香茵穩襯，半鈎月往來凌波  
雲影滅。絃催緊，拍促將遍，兩袖翻然作迴雪。  
柳腰不被春拘管。鳳轉鸞迴，霞袖緩舞，徹伊州  
力不禁筵前，撲簌花飛滿。占斷京華第一春。  
清歌妙舞，實超羣。只愁到曉人星散，化作巫山  
一段雲。燭花影裏，粉安閑，一點愁侵兩點山。  
不怕帶他飛燕，姑無言，逐拍省弓彎。

魏夫人有春恨江神子曰別郎容易見郎難幾何  
般懶臨鸞。憔悴容儀。陡覺縷衣寬。門外紅梅將  
謝也。誰信道。不曾看。曉粧樓上望長安。怯輕  
寒。莫憑欄。嫌怕東風吹恨上眉端。為報歸期須  
及早。休誤去。一春閒。

魏夫人捲珠簾詞云記得來時春未暮執手攀花  
袖染花梢露暗卜春心共花語爭尋雙朵爭先  
去多情因甚相辜負有輕折輕離向誰分訴

淚濕海棠花枝處東君空把奴分付宋時婦人多能詩文

又有齊夫人者秀州鄭文妻也鄭為太學上舍父寓行都孫寄以憶秦娥云花深深一鈎羅襪行花陰行花陰閑將柳帶試結同心耳邊消息空沉沉畫眉樓上愁登臨愁登臨海棠開後望到如今此詞為同舍見者傳揚酒樓妓館皆歌之又閨情南鄉子詞云曉日壓重簷斗帳春寒起未歡天氣因人梳洗懶眉尖淡畫春山不喜添閑把繡絲橋認得金針又倒拈陌人游人歸也未厭厭滿院楊花不捲簾又詠雪詩云悠悠隨處做盡輕模樣半夜蕭蕭窓外響多在梅邊竹上朱樓向曉簾開六花片片飛來無奈熏爐烟霧騰騰舊扶上金釵又婺州劉鼎臣者儋省試於行部頗行其妻自製彩花一枝贈之有以鷓鴣天詞云金釵無人夜剪繒寶釵翻通

舊痕輕。臨行執手。慙慙送。愧與蕭郎兩鬢青。聽  
囑付。好看承。千金不抵此時情。明年宴罷。愛林  
晚。酒面微紅。相映明。又有居上庠者。其妻以  
詩寄鞋。戲云。細履官鞋巧。保新殷。勤寄與。讀書  
人。好將穩步。青雲上。  
莫向平康。謾惹塵。

堯山堂外紀卷五十四終

堯山堂外紀卷五十五

晉陵蔣仲舒編

宋

徽宗佶

道錄院上章冊帝  
爲教主道君皇帝

徽宗卽位下詔求直言及上書與廷試直言者俱  
得罪京師有謔詞云當初親下求言詔引得都  
來胡道人人招是駱賓王并洛陽年少自訟監  
宮并岳廟都教一時開了誤人多是誤人多誤

了人多少。

政和中徽宗立畫博士院每召名工必摘唐人詩句試之嘗以竹鎖橋邊賣酒家爲題入皆向酒家上着工夫惟一善畫但於橋頭竹外掛一酒帘又試踏花歸去馬蹄香有某甲者但掃數蝴蝶飛逐馬後又一日試萬綠叢中紅一點動人春色不須多某甲但畫楊柳樓臺一美人凭闌皆中魁選

徽宗一日灑翰於小白團扇書七言十四字曰選  
飯朝來不喜餐御厨空費八珍盤適思倦顧左  
右云有能吟者可令續之有薦太學生者既宣  
入恭讀宸製乞爲取旨或續句呈或就書扇左  
上曰朝來不喜餐必惡阻也當以此爲詞以續  
於扇生續曰人間有味俱嘗遍只許江梅一點  
酸上大喜會將策士生朱奏名徑使造庭賜登  
第

徽宗於禁苑植荔枝結實以賜燕帥王安中御製  
詩云葆和殿下荔枝丹文武衣冠被百蠻思與  
近臣同此味紅塵飛鞚過燕山蓋用樊川一騎  
紅塵妃子笑無人知道荔枝來句意竟成語識  
宣和初叔復燕山以歸朝金民來居京師其俗  
有臻蓬蓬歌每和鼓和臻蓬蓬音爲節而舞人  
無不喜聞其聲而効之其歌曰臻蓬蓬外頭花  
花裏頭空但看明年正二月滿城不見主人翁  
又有伎者以數丈長竿繫椅於杪伎者坐椅上  
少頃下投小棘坑中無偏頗之失未投時念詩  
曰百尺竿頭望九州前人田土後人收後人收  
得休歡喜更存收人在後頭此皆屬識而兆禍



可  
准

宣和四年預借元宵時有謔詞云太平無事四邊  
寧靜狼烟眇國泰民安謾說堯舜禹湯好萬民  
翹望彩都門龍燈鳳燭相照只聽得教坊雜劇  
歡笑美人巧寶籙宮前呪水書符斷妖更夢近  
竹林深處勝蓬島笙歌開奈吾皇不待元宵景  
色來到只恐後月陰晴未保是年中秋後帝在  
苑中賦晚景一聯云日映晚霞金世界月臨天

宇玉乾坤宰臣皆稱賀次年戎馬犯順後國號

金

宣和間上方織綾謂之遍地桃又急地綾亦冠子作二桃樣謂之並桃天下勅之香謂之

佩香至金人犯國無貴賤皆逃避云

宣和五年金人來歸燕京及涿易檀順景蓟六州

之地都下盛唱小辭曰喜則喜得入手愁則愁不長久快則快我兩個屬守怕則怕人來破闢未幾金人犯汴京以徽欽二帝北去

徽宗被虜北行謝克宋作憶王孫辭云依依官柳

拂宮牆樓殿無人春盡長燕子歸來依舊忙憶  
君王月破黃昏人斷腸

紀興間金人以帝梓宮來歸元僧楊璉真伽發

之止朽  
木一段

徽宗北隨金虜後見杏花作燕山亭一詞云裁剪  
冰銷輕疊數重冷淡胭脂注新樣靚妝豔溢香  
融羞殺蕊珠宮女易得凋零更多少無情風雨  
愁苦閒院落淒涼幾番春暮憑寄離恨重重  
這雙燕何曾會人言語天遙地遠萬水千山知

他故宮何處。怎不思量。除夢裏有時曾去。無據和夢也有時不做。又在北遇清明日。詩曰。茸母初生。認禁煙無家對景。信悽然帝城春色。誰爲主。遙指鄉關。涕淚連又戲作小辭云。孟婆孟婆。好做些方便。吹箇船兒倒轉。俗謂風曰孟婆。江南七月間有大風甚于船艣。野入相傳以爲孟婆發怒。茸母草名。茸母孟婆正是的對。

宋時隴州歲貢鸚鵡。徽宗置安妃閣。教以詩文。宣和末使人發還本土。後郭浩以秦鳳提點刑獄。

按邊至隴口見一紅一白鸚鵡鳴於樹間問上  
皇安否浩曰上皇崩矣鸚鵡聞之皆悲鳴不已  
浩因賦詩云隴口山深草木荒行人到此斷肝  
腸耳中不忍聽鸚鵡猶在枝頭說上皇

張孝純在雲中府粘罕席上有所觀賦念奴嬌一  
闋云踈眉秀盼向春風還是宣和裝束貴氣盈  
盈姿態巧舉止况非允俗宋室宗姬秦王幼女  
曾嫁欽慈族干戈橫蕩事隨天地翻覆一笑

邂逅相逢歡人滿飲旋旋吹橫竹流落天涯俱  
是客何必平生相熟舊日榮華如今憔悴付與

杯中醪興亡休問爲伊且盡船玉

金人徙欽宗回燕京一日

行至平順州止泊驛舍時以七夕官中於驛作  
酒肆縱人會飲帝於室中窺見一胡婦携數女  
子皆俊目艷麗或歌或舞或吹笛持酒勸客所  
得錢物酒食率歸胡婦稍不及者婦以杖擊之  
少頃官遣皂衣吏賣酒飲帝胡婦不知爲帝也  
亦遣一橫笛女子入室中對帝帝嗚咽吹不成曲  
帝問女子曰吾與汝爲鄉人汝東京誰氏女女  
願胡婦稍遠乃曰我百王宮親王女孫也先嫁  
欽慈太后姪孫京城旣陷爲賊一擄至此賣與豪  
門作婢旣又遭主母詆撻轉鬻與此胡婦俾在

此日夕求酒餞食物若不及卽筆焚隨之言訖  
問帝曰官人亦是東京人想亦携來此也帝但  
泣下遣之去詳味孝純詞旨其所觀卽帝所遇  
者也然孝純詞賦之粘罕席上則是女初屬粘  
罕審  
矣

蔡京

字元長崇寧初拜相官司公移皆避其名京東京西並改爲畿左畿右蔡經國

聞京閏音稱京爲經  
乃奏乞改名純臣

紹聖中蔡京館遼使李儼儼留館頗久一日宴飲  
忽持盤中杏曰來未花開如今多幸京卽舉梨  
謂之曰去雖葉落未可輕離。

蔡京與陳了翁有筆研之舊了翁深疾之嘗入朝  
已立班上御殿差晚杲日照耀衆莫敢仰視京  
注目久而不瞬謂同省曰此公真大貴人也或  
曰公明知其貴胡不少貶而議論之間有不恕  
何邪了翁誦老杜詩曰射人先射馬擒賊先擒  
王

蔡元長旣貴享用侈靡喜食鷄每預蓄養之烹殺  
過當一日夢鷄數千百訴於前其一鷄居前致



辭曰食君廩中粟。作君羹中肉。一羹數百命。下箸猶未足。羹食何足論。生歿猶轉轂。勸君慎勿食。禍福相倚伏。京由是不復食鵝。

姑蘇南園錢氏廣陵王舊園也。老木皆合抱。流水奇石參錯。其間王元之爲長洲縣宰時。無日不携客醉飲。常有詩曰。他年我若功成後。乞取南園作醉鄉。其後園中大堂。遂以醉鄉名之。大觀末。蔡魯公罷相。欲東還。詔以園賜公。公卽戲以

詩示親黨云八年帷幄竟何爲更賜南園寵退  
師堪笑當時王學士功名未有便吟詩

宣政間禁中有保和殿殿西南廡有玉真軒軒內  
有玉華閣卽安妃妝閣也妃姓劉氏入宮進位  
貴妃林靈素以左道得幸謂上爲長生帝君妃  
爲九華玉真安妃每神降必別置妃位畫妃像  
于其中每祀妃像妃方寢而覺有酒容是時羣  
臣惟蔡元長最承恩遇嘗賦詩題殿壁曰瓊瑤

錯落密成林檎竹交加午有陰恩許麀允時縱  
步不知身在五雲深一日侍宴於保和殿上令  
妃見京先有詩曰雅興酒酣添逸興玉真軒內  
見安妃命京賡補成篇京卽題曰保和新殿麗  
秋暉恩許麀允到綺闈雅興酒酣添逸興玉真  
軒內見安妃須臾命京入軒但見妃像京又有  
詩云玉真軒內煖如春只見丹青未見人月裏  
嫦娥終有恨鑑中姑射未應真已而至閣妃出

見京勸酬至再日暮而退

宣和末以童貫爲撫軍使蔡攸副之以應金夾攻  
遼攸京長子也京以詩寄曰老懶身心不自由  
封書寄與淚橫流百年信誓當深念三伏征塗  
合少休日送旌旗如昨夢心存關塞起新愁緇  
衣堂下清風滿早早歸來醉一甌徽宗聞之命  
鄧珙索詩京卽錄以進呈上讀之徐曰好改作  
六月王師好少休蓋時白溝報不捷故有是語

蔡元長南遷中路有旨取所寵姬慕容邢武者三人以金人指名來索也元長作詩別云爲愛桃花三樹紅年年歲歲惹春風如今去逐他人手誰復尊前念老翁初元長之竄也道中市飲食之類皆不肯售歎曰京失人心一至此至潭州作詞曰八十一年過世四千里外無家如今流落向天涯夢到瑤池闕下玉殿五回命相彤庭幾度宣麻止因貪戀此榮華便有如今事

也後數日卒

蔡元長卒於長沙城南五里東明寺遂草殯於寺  
之觀音殿後有蜀僧遊方過之慨然因題詩於  
壁曰三十年前鎮益州紫泥丹詔鳳池遊大鈞  
播物心難一六印懸腰老未休佐主不能如傳  
說知幾那得似留侯功名富貴今何在寂寂招  
提一土丘

張商英

字天覺號無盡居士時蔡京久盜國柄中外怨疾見商英能立異同更稱

為賢帝因人  
望而相之

張天覺召自荊湖適劉跛子與客飲市橋聞車騎  
過甚都起觀之跛子挽丞相衣使且共飲因作  
詩曰遷客湖湘召赴京車蹄迎迓一何榮爭如  
與子市橋飲且免人間寵辱驚一時賞其俊爽  
唐子西嘗見桃李盛開而梅尚存數枝因作詩云  
桃花能紅李能白春深無處無顏色不應尚有  
數枝梅可是東君苦留客向來開處當嚴冬桃

李未。在。交。游。中。只。今。已。是。丈。人。行。勿。與。年。少。爭。

春風時張無盡被召子西乃以詩投之無盡大

加稱賞子西名庚丹稜人及登東坡之門後徙居廬之安夷門外自號魯國先生宣政

間以黨禍謫羅浮作詩云說與門前白鷺羣也須從此斷知聞諸公有意除鉤黨甲乙推求恐

到君在羅浮名酒之和者曰養生主動者曰齊物論作詠衷情詞有云平生不會歛眉頭諸事

等閑休元來却到愁處須着與他愁

張天覺既相謝表有云十年去國門前之雀可羅

一日歸朝屋上之烏亦好徽宗親題所御扇焉



王黼

宣和初拜相有寵於帝得預宮中秘戲

責市令捷之取樂黼嘗故曰告堯舜免一  
次上笑曰吾非唐虞汝非稷契也一日又  
與諭垣微行黼以有承帝趾墻峻微有不  
相接處上曰聳上來司馬光黼應曰伸下  
來神宗

皇帝

王黼爲館職時夜夢至一山間古松流水杳然幽  
深忽遇一道人引至一處有廢丹竈又有茅屋  
數間道人開之云公所居也塵埃蓬勃似久無  
人者壁間有題字云白髮高僧酷愛山一餅一

鉢老禪關只因窺井生一念從此松根丹竈閑  
慨然悟其前世所居已失道人遠返天大雷雨  
龍起雲中意甚恐懼遂寤其婢亦魘于室中呼  
覺問之曰適爲雷雨所驚頗異之來日館中曝  
書偶觀架上小說內載婦人窺井生男事云孫  
仲益有王大傳生日詩了了三生夢松根冷竈  
爐用此事也

林靈素

字通叟永嘉人初名靈噩字歲昌政  
和間至京師寓東太乙宮以方術得

幸賜號金門羽客通  
真達靈玄妙先生

林靈素少從浮屠苦其師笞罵去爲道士善妖幻  
往來淮泗間丐食僧寺苦之及王老志王仔昔  
寵衰旁訪方士於左階道籙徐知常以靈素對  
卽召見對曰臣上知天宮中識人間下知地府  
上視靈素風貌如舊識乃築通真宮以居之賜  
金牌無時入內時有附之而得美官者頗自矜  
有驕色或戲作靈素畫像詩云當日先生在市

塵世人那識是真仙只因學得飛昇後雞犬相隨也上天。

林靈素一日同帝夜靜禮斗至太清樓下見有碑題曰元祐奸黨之碑靈素稽首上怪問之對曰碑上姓名皆天上列宿臣不敢稽首因作詩獻云蘇黃不作文章客童蔡翻爲社稷臣三十年來無定論不知奸黨是何人帝明日以示蔡京京惶恐乞去仍免留之

宣和間吳敏著見聞錄記當時事不敢斥言多

為庾語其稱安者謂蔡攸蓋攸字居安實昔  
謂童貫木者謂林靈素或朱勔也他皆類是

雍孝聞

蜀人

崇寧間廷試雍孝聞對策力詆時政闕失駁放後  
雖授以右列然卒不仕浪迹山林遂遇異人得  
道政和末變姓名為道士入內說法徽宗謂其  
得林靈素之半因賜姓木更名廣莫竟不知其  
為孝聞也孝聞嘗自詠云百萬人中隱一身深  
如勺水在滄溟獨醒自負賢人酒天闊難尋處

士星照影自憐湖水碧高吟贏得蜀山青城南  
老樹如相問不枉翻空過洞庭

薛昂

字肇明謹事蔡元長與賓客會飲有犯京字者必舉罰平日宋人輩誤犯必加

叱詈脫或自犯則自批其頰以示戒宣和末有朝士新買一婢頗熟事因會客命出侑尊一客語及京字婢遽請罰酒曰犯太師諱一座駭愕詢之乃薛門下宋婢也

薛昂初爲王荊公客荊公在鍾山下碁昂與馬賭  
梅花詩一首荊公爲代作後昂出知金陵或者  
朝以詩曰好笑當年薛乞兒荊公坐上賭梅詩

而今又向江東去奉勸先生莫下碁薛書名似  
丐字故人有乞兒之說

王安中

字履道初爲東坡門下士後附蔡京  
遂叛東坡時有文章盛名號初寮先

生寮小窓也高似孫號疎  
寮謝叔號靈石山藥寮

王安中在京師偶見人家亭上題字筆勢灑落不  
着姓而其名則安中也王驚問何人所書守者  
曰此何安中河朔人也王恐人莫之辨戲書一  
詩其後云蜀客更名縹好尚漢臣書姓爲同官

孟公自合名驚座。子夏尤宜便小冠。益號文章  
緣兩李。翊書制誥有諸韓。二玄各自分南北。付  
與時人子細看。終篇皆用同名事云。

王安中見迎春花賦蝶戀花詞云雪霽花稍春欲  
到殘臘迎春。一夜花開早。青帝回輿雲縹緲。鮮  
鮮金雀來飛繞。綉閣紗窓人窈窕。翠縷紅絲。

鬪剪幡兒也。戴在花枝爭笑道。願人長共春難

老。

安中建炎中避地於柳得郡人熊氏園  
植桃數百本號曰小桃源日賦詩亭下



宣和中取燕山羣臣稱賀蔡元長令一館職代作  
表仍語以燕人悅則取之一句不得不使其人  
歸搜經句欲對未得王安中曰何不曰昆夷駘  
其喙矣遂用之

蔡疑

劉混康赴闕一夕拜章罷詔問何父答曰值天門放春榜欲叩其所觀乞書而

密緘之它日驗其事明年殿試畢發視止書二草二木乃蔡疑柯棗也疑嘗倚附蔡京為叔父京命二子攸修出見疑至云向者犬誤公乃叔祖二尊諸父行也

崇寧末策進士蔡疑以阿附得首選帝召對問唐

京官五品方賜緋佩魚。借緋卽不佩國朝因循。  
其制疑對曰。在唐借緋亦佩魚。因誦白居易詩。  
曰。親朋相慶問何如。報道恩光盡反初。投老喜。  
拋黃草枝。眼明驚拆紫泥書。便將朱紱還鈴閣。  
却着青袍侍玉除。無奈嬌癡三歲女。遶腰啼哭。  
覓銀魚。帝喜其對之捷。

曹組

字元寵。絳之弟。絳有詩文號秋浦集。組六舉不第。著鐵硯篇以自見。後有寵於

徽宗授詹思殿侍制

曹元寵工謔詞。有春情如夢令云。門外綠陰千頃。  
兩兩黃鸝相應。睡起不勝情。行到碧梧金井。人  
靜。人靜。風動一庭花影。又春夢阮郎歸云。簷頭  
風珮響。丁東簾疎。燭影紅。秋千人散。月溶溶。樓  
臺花氣中。春酒醒。夜寒濃。蘭衾誰與同。只愁  
夢短。不相逢。覺來羅帳空。

曹元寵題村學堂圖云。此老方捫虱。衆雛爭附火。  
想當訓誨間。都都平丈我。語雖調笑曲。盡社師

之狀

諺言社師讀論語郁郁乎文哉訛為都都

平丈我委巷之童習而不悟一日宿儒到社中為正其訛學童皆駭服時人為之語云都都平丈我學生滿堂坐郁郁乎文哉學生都不

來曹詩

蓋取此

王氏曹元寵母也時隆冬大雪登樓眺望見美妓

從雪中來乃作詩曰梁王宴罷下瑤臺窄窄紅

鞋步雪來恰似陽春三月暮楊花飛處牡丹開

周邦彥

字美成號清真居士初進汴都賦得官徽宗時提舉大晟樂府官至待制

詞名清

真詩餘

周美成能自度曲。製樂府長短句。名其居曰顧曲堂。嘗咏佳人調憶秦娥云。香馥馥。樽前有個人如玉。人如玉。翠翹金鳳。內家粧束。嬌羞愛把眉兒蹙。逢人只唱相思曲。相思曲。一聲聲。是恁紅愁綠。

周美成在姑蘇。與營妓岳楚雲相戀。後從京師過吳。則岳已從人久矣。因飲于太守蔡密子高坐上。見其妹。作點絳脣寄之云。遶鶴西歸。故人多

少傷心事。短書不寄。魚浪空千里。憑仗桃根  
說與相思意。愁何際。舊時衣袂。猶有東風淚。楚  
雲得詞感泣累日。

蔡元長生日。天下郡國皆有饋獻。號太師生辰綱。  
文士錦囊玉軸。競進詩詞。周美成有句云。化行  
禹貢山川外。人在周公禮樂中。蔡獨喜之。

周美成晚歸錢唐。夢中得瑞鶴仙詞。一闋云。悄郊  
原帶郭。行路永。客去車塵漠漠。斜陽映。山落斂。

餘紅猶戀孤城欄角。凌波步弱，過短亭、何用素  
約。有流鶯勸我重解繡鞍，緩引春酌。不記歸時  
蚤暮。上馬誰扶。醒眠朱閣，驚飈動幕，猶殘醉遶  
紅藥。嘆西園、已是花深無地。東風何事，又惡任  
流光過却。歸來洞天自樂。未幾方臘亂，自桐廬  
入杭時，美成方宴客。倉皇出奔，趨于西湖墳菴。  
適際殘冬，落日在山，忽逢故人之妾。奔迹而來，  
乃與小飲于道旁旗亭。聞鶯聲于木杪，少焉分

背抵菴尚有餘醺困卧小閣上恍如詞中所云  
逾月入城故居皆遭蹂踐矣後得請提舉洞霄  
宮而終老焉

万俟雅言

精於音律自號詞隱有大聲集五  
卷用美成爲序山谷亦稱之爲一

代人  
代詞

崇寧中万俟雅言充大晟府製撰依月用律製詞  
嘗侍宴都門池苑應制賦安平樂慢云瑞日初  
遲緒風乍暖千花百草爭香瑤池路穩閬苑春



深雲樹水殿相望柳曲沙平看塵隨青蓋絮惹  
紅粧賣酒綠陰傍無人不醉春光有十里笙  
歌萬家羅綺身世疑在仙鄉行樂知無禁五侯  
半隱少年場舞妙歌妍空妬得鶯嬌燕忙念芳  
菲都來幾日不堪風雨踈狂

萬侯雅言有長相思詠雨詞云一聲聲一更更窓  
外芭蕉窸窣燈此時無限情夢難成恨難平  
不道愁人不喜聽空階滴到明

晁端禮

字次膺與万侯雅言齊名

政和癸巳大晟樂成蔡元長以晁次膺薦於帝詔  
乘驛赴闕次膺至都下會禁中嘉蓮生異苞合  
一跌夏出天造次膺效樂府體屬詞以進名並蒂  
芙蓉其詞云太液波澄向鑑中照影芙蓉同蒂  
千柄綠荷深並臉爭媚天心眷臨聖日數宇分  
明敞嘉瑞弄香嗅並願君王壽與南山齊比  
池邊屢回翠輦擁羣仙醉賞憑闌凝思萼綠攬

飛瓊共波上遊戲西風又看露下更結雙雙新  
蓮子闌裝競美問鴛鴦向誰留意上覽之稱善  
除大晟樂府協律郎

宋齊愈

字退翁宣和間為太學官建炎初治  
僭逆罪而齊愈實書張邦昌名以示

衆者遂  
棄市

徽宗一日召宋齊愈謂曰卿文章新奇可作梅詞  
進呈須是不經人道語齊愈立進眼兒媚詞曰  
霏霏疎影轉征鴻人語暗香中小橋斜渡曲屏

深院水月漾漾。人間不是嚴春處。玉笛曉霜空。江南處處黃垂密。雨綠漲薰風。帝稱善次日。諭近臣曰。宋齊愈梅詞。非惟不經人道。又且自開花說至結子黃熟。并天色言之。可謂盡之矣。

宋惠直

初爲江州德化簿。以作樂語爲郡守所知。薦于何執中。卽除書局繼中詞

科

宋惠直在王彥昭幕下。代作春日留客致語。有云。寒食止數日。間纔晴。又雨。牡丹蓋數十種。欲拆。

又芳皆魯公帖與牡丹譜中全語也。考昭好令人歌柳詞，又嘗作樂語，上正好歡娛，歌綠樹數聲啼鳥，不妨沉醉。拚畫堂一枕春醒，皆柳詞中語。

邢俊臣

宣政間  
戚里子

邢俊臣性滑稽，喜嘲詠，常出入禁中，善作臨江仙詞。末章必用唐律兩句爲謔，以寓調笑。徽宗置花石綱，石之大者曰神運石，大舟排聯數十尾。

僅能勝載。既至。上大喜。置艮嶽萬歲山。命俊臣爲臨江仙詞。以高字爲韻。未句云。巍我萬丈。與天高。物輕人意重。千里送鵝毛。又令賦陳朝檜。以陳字爲韻。檜亦高。五六丈圍。九尺餘枝。覆地幾百步。詞未云。遠來猶自憶梁陳。江南無好物。聊贈一枝春。上容之。不怒也。內侍梁師成。位兩府。甚尊顯。用事。自矜爲詩。因進詩。上稱善。顧謂俊臣曰。汝可爲好詞。以詠師成詩句之美。且命

押詩字韵俊臣口占末云欲知勤若爲新詩吟  
安一箇字。撚斷數莖髭。上大笑師成恨之。諧其  
漏泄禁中語。責爲越州鈐轄太守。王凝聞其名  
置酒待之。醉歸燈火蕭疎。明日攜詞見帥。叙其  
寥落之狀。末云捫窓摸戶。入房來笙歌歸院落。  
燈火下樓臺。席間有妓秀美而肌白如玉。雪頗  
有腋氣。疑令乞詞。末云酥胸露出白皚皚。遙知  
不是雪。爲有暗香來。又有善歌舞而體肥者。末

云只愁歌舞罷化作彩雲飛